

INUIT ATAQATIGIIT

Inatsisartuni



UPA 2017/64
Nuuk, 16.05.2017
Mimi Karlsen

Paasissutissanik piniarnermut atatillugu inatsisitigut tunngavissaqarnissaq qularnaarumallugu, takuuk ilanngussaq 1 formatimi nassuarneqareersumi, kingusinnerpaamik UPA2018-mi siunnersuummik saqqummiusseqqullugit, Naalakkersuisut peqquneqarnissaannik Inatsisartut aalajangiiffigisassaattut siunnersuut. Ilanngussaq 1-mi taaneqartut paasissutissat eqqarsaatigalugit Naalakkersuisut peqquneqarput tamanit iserfigineqarsinnaasumik nittartagalioqqullugit paasiuminartunik naatsorsoqqissaakkanik katersanik imalim-mik, tassani soqutinitut meeqqat atuarfiat pillugu paasissutissanik naapertuuttunik aallarsinnaalersillugit. Naatsorsoqqissaakkanik katersivik suliarineqassaaq meeqqat atuarfii ataasiakkaat naleqqiuneqarsinnaanngorlugit, imatulli sanallugu inunnut ataasiakkaanut paasissutissat pissarsiariniarneqarsinnaajunnaarlugit.

(Inatsisartunut ilaasortaq Nivi Olsen, Demokraatit)

Inuit Ataqatigiit siunnersuuteqartoq qutsavigaat siunnersuuteqarmat meeqqat atuarfianni paasissutissanik katersuiffeqarnissaannik.

Pingaartilluinnarpalput meerartatta meeqlaat atuarfianit pitsasumik angusaqarnissaat. Iliuutsit assigiinngitsut, pingaartitat assigiinngitsut eqqartort-arpagut meeqqat atuarfianni ingerlanneqartariaqartut.

Meerartattali ilinniartortattalu qanoq angusaqarsimaneri takorusuttarpagut. Iluarsisassatsinnilli aamma takusaqaraangatta kisitsisinik upternarsaataasunik takorusuttarput.

Taamaammat nuannaarutigaarpalput Naalakkersuisut Nunatsinni Naatsorsueqqissaartarfimmeersut oqaloqatigerusummatigit meeqlaat atuarfianni pis-sutsit pillugit paasissutissat naleqquttut ullutsinnut tulluunnerusumik ajornannginnerusumillu innuttaasunit amerlanerusunit atorneqarsin-naanngortinnissaat siunnerfigalugu.

Naalakkersuisut assigiinngitsunik paasissutissanik eqiterussisimanerat ilua-rinaqaaq.

Uagullu politikeritut paasissutissanik katersivik aamma iluaqtigissaqigatsigu siunnersuut ataatsimiitsitaliamut susassaqartumut ingerlateqqipparput.